

## Vom werck des dritten tags

**A**in dritten tag hat got die wasser vnder dem firmament an eine enige stat versamelt. vnd es ershyne die truckne vnd sprach. Die erd sol geperen ein grunends vnd samenmachends krawt vñ ein frucht bringends apfelparvm/holz nach seinē geschlecht. Nach dē firmament vermanet er vns vō d̄ geizigkeit. geleger vñ ordnig d̄ elemēt kütz lich durch versamlung d̄ wasser an ein stat vnd durch die zile dē meer sürgesteckt das es die erde mit vberfiele. so nw künftig was das die erwan vnsyhtlich erde vnder das gesyht komen solt. so was auch not das die wasser die vnder dem himel das ist vnder d̄ miteln gegent des lusts sind an ein stat. das ist an ein gemaine vermischliche zusammenfluesung mit ordnungē vnd gestadren verwaret. versamelt werden soltē. vnd also ist das: mit war das nyndert an eniche abgesündertē vnd beslosnē enden wassere gefunden werden. das̄ das iudisch meer wirt von dē hircanischen meer. das hircanisch vō dem adriatischen. das adriatisch vō dem eutinischen meer. vnd damnoch funst vnzelich flüß der wasser. punnen vnd see. durch verre von einander entlegne öter geschidē. Aber darumb werden die wasser an ein amige stat versamelt genant. das̄ die sundern vnd getailten versamlung d̄ wasser des meres. oder d̄ flüß werde alle (als salomon spricht) sich zu dē vspünglichē meer senckēde in ein stat des meers versamelt. wen̄ aber die erde mit den güßen vberfuelet wirt so ist sie vns weder nutz noch sychtlich. sunder als/ den vnserm vnd des vichs geprauch süßsam vnd fruchtbar so sie vō meer weichēde mer vñ mer vns zugeseht kombt. dis̄ wirt hie gar offenperlich vō moysē angezaigt. so er sie (als pald sie erscheint) ein gepererein d̄ krewter vnd des lawb gewachs vnd d̄ pawmen machet. so füret er nach versamlung d̄ wasser die erden herfür als grün vnd plānde. aber er hat sie in dem mittel d̄ welt als ein centrū gesetzt vnd mit adern d̄ metall. als mit gold. silber erz. kupffer. zin. pley vnd eyfen begabet. vnd mit allen geschlechten der krewter hohlüstperlech in grūner zeitigkeit als pald bekleidet. vnd die krewter haben samen. vnd die pawmen fast süße frucht gepracht. Sie sagen auch das got an disem tag das paradys. das ist den aller fruchtparstē vnd wunsamsten garten an allerlay geschlecht des holz vnd der pawmen gemacht. vnd den mit aller wunsamkeit. der punnen. der grūnenden erden vnd reichlich fruchttragender hölzer besetzt hab.

